

ԱՂԱՎՆԱԶՈՐԻՑ ԵՎ ԶՈՐԱՂՔՅՈՒՐԻՑ ՀԱՅՏՆԱԲԵՐՎԱԾ
ՆՈՐԱՀԱՅՏ ԻՐԵՐ

ԼՅՈՒՆԻ ԲԻՑԱԳՈՎ

1983 թ. ՀՍՍՀ ԳԱ Հնագիտության և ազգագրության ինստիտուտի արշավախումբը շարունակեց ուսումնասիրել Մարմարիկ գետի հովտի հուշարձանները և առաջին անգամ պեղումներ կատարեց Աղավնաձոր գյուղից 1 կմ արևելք գտնվող դամբարանադաշտում՝ Պեղվեց 14 դամբարան, որոնցից առավել ուշագրավը գինձորի թաղումով № 3 դամբարանն է։ Այն 2,0×1,5 մ չափերի քարաբլդ է, որի 3 պատերը շարված են կոպիտ տաշված գրանիտով, իսկ լորրորդ՝ հյուսիսային պատը՝ մանր քարերով։ Այսպիսի կառուցվածք մեզ լավ հայտնի է Մեղրաձորի դամբարանադաշտի պեղումներից։ Դամբարանը ծածկված էր 2 խոշոր, կոպիտ մշակված սալերով։ Զինձորի կմախքը դամբարանի կենտրոնում էր, ձախ կողքի վրա, դեմքով դեպի հյուսիս-արևմուտք։ Դեմքի դիմաց, ձեռքերի մոտ, գտնվեց գուրդ, լանջապանակ, մեկ խոշոր ճարմանդ, վանակատն նետասլաք և բրոնզե ուլունք։ Առավել հետաքրքիր իրեր հայտնաբերվեցին գոտկատնդի շրջանում (in situ), ուր գրանցվեց 12—13 ամ լայնությամբ մուգ շագանակագույն շերտ, որը, հավանաբար, քայքայված կաշվի գոտու հետքն էր։ Շերտի մեջ գտնվեցին ճարմանդներ և կոճակներ (տախտակ I, նկ. 6, 7)։ Գոտու տակ խրված են եղել բրոնզե երկու դաշույն և բիդ։ Շերտը ուներ նույն հաստությունը, ինչ որ Անդրկովկասում լայնորեն տարածված միջին լայնությամբ բրոնզե դոտիկները։ Մ. թ. ա. առաջին հազարամյակով թվագրվող այգպիսի գոտի հայտնաբերել է Ժակ դե Մորգանը՝ Շելթան-Դադի դամբարաններից մեկում։ Այս երկու օրինակները ցույց են տալիս, որ բրոնզե կոճակները և ճարմանդները կարվել են ոչ միայն դրահաշակին, ինչպես ենթադրում էին որոշ հեղինակներ, այլ նաև կաշվի դոտիկներին։ Ի՞նչ եթե վերհիշենք, որ խոշալուի դամբարանադաշտի դամբարաններից մեկում հայտնաբերված նմանատիպ ճարմանդները կարված են եղել անդրավարտիքին, ուրեմն կարելի է ենթադրել, որ կոճակները և ճարմանդները հին հայկական զբոհահաշակի մանրամասներ են։ Հայաստանի պատմության ուրարտական շրջանի գրահաշակի մեջ այդ նպատակին ծառայել են վոտիվ թիթեղները, որոնք կարվում էին կաշվի հիմքի վրա¹։

№ 3 դամբարանից գտնված զենքերից ուշագրավ է լանջապանակը (տախտակ I, նկ. 1)։ Այն բրոնզե մի կիսախողովակ է, որի ներսում սլահպանվել են փայտի մնացորդներ՝ հեռացող Ժայռերին ամրացված երկու մեխով։ Նման գոտիներ՝ ամրացված արծաթե կամ բրոնզե կիսազնդած ճարմանդներով, հայտնաբերվել են լուրիբեղդյան դամբարանադաշտի ուշ բրոնզեդարյան շրջանի դամբարաններից²։ Անկասկած, լանջապանակի մասերից պետք է համարել նաև նրա մոտ գտնված երկու համակենտրոն շրջաններով զարդարված ճարմանդը (տախտակ I, նկ. 5), որը ներսից լցված էր յեմենտանման զանգվածով։ Նման ճարմանդներ մեզ հայտնի են լճաշենի, Ռեզկին-լագերի, Խուրչին-հողերի (Շամշադինի շրջան, գյուղ Արծվաբերդ) և Արթիկի դամբարանադաշտի պեղումներից³։


Հայտնաբերված երկու դաշույններից մեկը միաձուլ է, կտրվածքում եռանկյուն շեղբով, արի վրա, ամբողջ երկարությամբ, անցնում է մեպիկ (տախտակ II, նկ. 2)։ Դաշույնի դաստակը հարթ է՝ երկու եզրերը ծալված, որոնց ներսում պահպանվել են բազմաթիվ բրոնզե մեխերով զարդարված փայտե ներդիրի մնացորդներ։ Կողքին հայտնաբերվեց Սեանդարադղյան տիպին բնորոշ դաշույնի հատված գլխիկը։ Դրանք Հայաստանում հանդես են

¹ J. de Morgan, Mission scientifique au Caucase, Paris, 1889, p. 51, pic. 12.

² К. Х. Кушнарева, Ходжалинский могильник («Պատմա-բանասիրական հանդես», 1970, № 3, էջ 112—114)։

³ H.-J. Kellner, Bronzene Weihe- und Votivgaben, Urartu, Ein Wiederentdeckter Rival Assyriens, Krefeld, 1979, s. 53.

⁴ С. А. Есаян, Древняя культура племен северо-восточной Армении, Ереван, 1976, с. 112; Т. С. Хачатрян, Древняя культура Ширака, Ереван, 1975, с. 215.




Տախտակ 1

գալիս սկսած մ. թ. ա. XIII դ., հարատևում են մինչև մ. թ. ա. VIII դ. և ունեն բազմաթիվ զուգահեռներ (Արթիկ, Էլար, Գոլովինո, Խուրշին-Հոդեր)⁵։ Մյուս դաշույնն ունի յուրահատուկ ձև և Հայաստանում հանդիպում է առաջին անգամ (տախտակ II, նկ. 1)։ Այն երկմասանի է, կազմված շեղրից և նրա վրա հագցրած դաստակից (զա պարզ երևում է նույնիսկ մետաղի գույնից՝ դաստակը ավելի կարմրավուն է)։ Դաստակի ստորին մասում

⁵ Т. С. Хачатрян, *նշվ. աշխ.*, էջ 176—177, նկ. 86, է. վ. Խանդավան, *Էլար-Պարանի, Երևան, 1979*, էջ 159, նկ. 131, աղ. XXIV, С. А. Есаян, *նշվ. աշխ.*, աղ. 93; А. А. Мартыросян, *Армения в эпоху бронзы и раннего железа*, Ереван, 1964, рис. 48.

կա ուղղանկյուն փորվածք, որտեղ զոդումով հարմարեցված է շեղրի վերին մասը: Դաշույնի ճիշտ թվագրման և տիպարանական դասակարգման համար դաստակը մեծ նշանակություն ունի: Այն հատույթում կլոր է, վերին մասում քիչ ավելի լայն, որտեղ արված է թեք միջանցիկ անցք: Դաստակի վերին և ներքին մասերը զարդարված են եղևնանախշով և իրար հետ միացված զծիկներով: Նման դաստակ ունի նաև դաշույնի հետ հայտնաբերված բիզը (տախտակ II, նկ. 3), բայց սրա դաստակը վերին ու ստորին մասերում լայնանում է և



Տախտակ II

զարդարված է բազմաշարք ալիքաձև զօներով: Հյուսածո զարդանկարով նմանատիպ դաստակ ունի նաև Արթիկի № 448 դամբարանից հայտնաբերված բիզը, որը թվագրվում է մ. թ. ա. XIV—XIII դդ.⁶: Լայնացող գլխիկ ունեն նաև Արթիկից հայտնաբերված այդ շրջանով թվագրվող շքասեղների մեծ մասը: Բայց ի տարբերություն նշված բիզերի դաստակների, այս դաշույնի դաստակը ներքևի մասում չի լայնանում և կազմում է ելուստ, որը կիպ դժրկում է դաշույնի ուսերը, հեռավոր նմանություն տալով մ. թ. ա. XIV—XIII դդ. թվագրվող լճաշենյան դամբարաններից հայտնաբերված եղևնաձև դաստակով սրերին⁷: Դաշույնի շեղրը երկարավուն է, հատույթում շեղանկյուն, վերջանում է բուֆ, կլորավուն սալով, հիշեցնելով կովկասյան տիպի կլորացող կամ կտրված ծայրերով սրերին: Նման սրի, որոնց արտադրման

⁶ Т. С. Хачатрян, *Нзқ. աշխ.*, էշ 208, նկ. 126:

⁷ С. А. Есаян, *Оружие и военное дело древней Армении*, Ереван, 1966, с. 80.

կենտրոնը գտնվում էր Հայաստանի հյուսիսում, մեղ մոտ հանդիպում են բավականին հաճախ և հայտնի են Գուլվիտուրից, Արծվաբերդից, Օձունից (Ուզունլար) և այլն⁸:

Ձենքերից ուշագրավ է լանչպապանակի հետ գտնված տանձաձև գուրգը (տախտակ I, նկ. 2), որը վերին մասում ունի քառակուսի անցքով կիսակլոր վզիկ՝ կոթառ հագցնելու համար: Քառակուսի անցքում պահպանվել է փայտ՝ վրան բազմաթիվ մեխերով: Գուրգը կողքերին ունի 4 ելուստներ, նմանատիպ գուրգեր առաջին անգամ հանդիպում են լճաշենի⁹ և Արթիկի¹⁰ մ. թ. ա. XIV—XIII դդ. թվագրվող դամբարաններում, Ստեփանավանում¹¹, Մակարաշենում¹², Կիրովականում¹³, Ալավերդիում, Ադիլամանում¹⁴ ու Վրաստանում (Թրիալեթի, Սամտավրո¹⁵) և հարադրվում են մինչև մ. թ. ա. առաջին հազարամյակի սկիզբը:

Ձենքերից վերջինը լավ ունտուշած, կոթառը ամրացնելու համար հիմքի մոտ ուղղանկյուն փորվածքով նշածև նետասլաքն է (տախտակ I, նկ. 3): Այդպիսի նետասլաքները հանդես են գալիս մ. թ. ա. VI դ. և լավ հայտնի են Հայաստանի համարյա բոլոր բնակավայրերից:

Ջարդարաձքի միակ առարկան բրոնզե ուլունքն է (տախտակ I, նկ. 4), որին մոտ ձևեր հայտնի են Արթիկի դամբարանադաշտից և Խուրչին-Հողերից¹⁶:

№ 3 դամբարանի թվագրության համար մեծ նշանակություն ունեն խեցեղեն իրերը, որոնք հիմնականում բրուտագործական դուրզի վրա որակով պատրաստված անոթներ են. միայն երկուսն են ձեռածեփ և տարբերվում են ձևի կոպտությամբ ու գույնով: Հստ ձևի խեցեղենը բաժանվում է երեք խմբի՝ սափորների, քրեղանների և կճուռների:

Սափորներից մեկը ու մեծ, սև փայլեցրած, հարթ հատակով ուռուցիկ իրանով, կարճ վզով, կլոր դուրս ձկված շրթով անոթ է (տախտակ III, նկ. 2): Վրայով անցնում են բազմաշարք գծեր, որոնցից ցած ալիքաձև գիծ է և դրոշմիչով արված երկշարք սեպաձև նախշ, որը ներքևից եզրափակվում է ակոսով: Նույնատիպ սափորներ լավ հայտնի են Արթիկի դամբարանադաշտի ու ըրոնդե դարի երկրորդ փուլով թվագրվող նյութերից¹⁷ և Հայաստանի շատ հնավայրերից՝ Ղմշկուտից¹⁸, Էլարից¹⁹ և այլն: Մյուս սափորը նույնպես ուռուցիկ իրանով, ու բարձր լայն վզով, լավ արտահայտված շրթով, հարթ հատակով անոթ է (տախտակ III, նկ. 1): Վիզը զարդարված է ալիքաձև և բազմաշարք ներձկված գծերով, իսկ ուսի վրայով անցնում է ակոս: Նման անոթները լայն տարածում ունեն մ. թ. ա. II հազարամյակի վերջում: Երրորդ սափորը գորշագույն, անհարթ մակերեսով, ձեռածեփ, դեպի վեր լայնացող իրանով, հարթ հատակով անոթ է, որի հազիվ նկատվող վզիկն ավարտվում է ոչ մեծ շրթով (տախտակ III, նկ. 8): Բայց ի տարբերություն նույն շրջանի ձեռածեփ շատ սափորների, այն ճոխ զարդարված է: Վզի և ուսի վրայով անցնում են ակոսներ, որոնց միջև արված են թեք եզրափակիչով լցված ներգծված եռանկյունիներ, որոնք ընդմիջվում են գծերով լցված շեղանկյուններով:

Քրեղաններից չորսը միաձև են (մեկը թերի է և չենք ներկայացրել), սև փայլեցրած ու դեպի վեր լայնացող իրանով, թեթևակի թեքված ուսերով և խոշոր կլորավուն դուրս ձկված շրթով: Կողքերը զարդարված են տարբեր քանակի ներձկված հորիզոնական գծերով (տախտակ III, նկ. 3, 6, 7): Հիսգերորդ քրեղանը գորշ գույնի է, ունի նույն ձևը, բայց քանի որ

⁸ С. А. Есаян, Древняя культура племен северо-восточной Армении, с. 179.

⁹ С. А. Есаян, Оружие и военное дело древней Армении, с. 54.

¹⁰ Т. С. Хачатрян, Материальная культура Артика, Ереван, 1963, с. 59.

¹¹ Т. С. Хачатрян, Каменные ящики Степанавана («Աշխատություններ Հայաստանի պատմության պետական թանգարանի», հ. 5, Երևան, 1959, էջ 59):

¹² А. А. Мартиросян, Армения в эпоху бронзы и раннего железа, рис. 79а.

¹³ А. А. Мартиросян, Раскопки в Кировакане и некоторые памятники раннеуруартского периода (ՀԱՄԷ ԳԱ «Տեղեկագիր» հաս. գիտ., 1956, № 9, էջ 76—78):

¹⁴ С. А. Есаян, Оружие и военное дело древней Армении, с. 56.

¹⁵ Б. А. Куфтин, Археологические раскопки в Триалети, Тбилиси, 1940, табл. L.


¹⁶ С. А. Есаян, Древняя культура племен северо-восточной Армении, табл. 95.

¹⁷ Т. С. Хачатрян, Древняя культура Ширака, с. 220—221, рис. 133—135.

¹⁸ С. А. Есаян, Древняя культура племен северо-восточной Армении, табл. 95.

¹⁹ է. Վ. Խանգադյան, նշվ. աշխ., աղ. XVII:

ձեռածեփ է, անկանոն է: Կողքերը զուրդարված են թեթև գծերով և շտրիխներով լցված խոշոր զիգզագներով, ներքին մասով անցնում է ակոս (տախտակ III, նկ. 4): Այս զարդաների տարբերակները մեզ հայտնի են Հայաստանից (Էլար²⁰, Իջևան, Ռեդկին-լագեր, Գիլիջան²¹, Լո-



Տախտակ III

²⁰ Նույն տեղում, աղ. XVII և XIX.

²¹ С. А. Есаян, Древняя культура племен северо-восточной Армении, табл. 89, 101, 115.

որ-բերդ²², Դվին²³) և Վրաստանից (Սամաուվրո²⁴, Բրիլիս²⁵): Խեցեղենի երրորդ տիպը ներկայացված է միայն մեկ անոթով, Դա սև, փոքր, հարթ հատակով, ուռուցիկ իրանով, կարճ վզով և խոշոր ներկված շրթով կնուց (տախտակ III, նկ. 5): Ուսի վրայով անցնում է եռաշարք սիմ, որը երկու կողմից առնվում է թևեր եղնզանախշի մեջ: Աղավնաձորի № 3 դամբարանային նյութը թվագրվում է մ. թ. ա. XII—XI դդ.:

Ուսումնասիրվող կոմպլեքսի մշակութային-ժամանակագրական նշանակությունը որոշելու նպատակից նաև հարևան՝ Արտվյանի շրջանի Ձորաղբյուր գյուղից պատահականորեն հայտնաբերված հավաքածուն: Վերջինս կաղմված է երկու բրոնզե դաշույնից, երկու խոշոր ճարմանդից և մի քանի կավանդոթներից: Ստորև տալիս ենք Ձորաղբյուրի գտածոների նկարագրությունը, քանի որ դրանք նմանատիպ են աղավնաձորյաններին:

Ձորաղբյուրի դաշույններից մեկը նույնպես երկմասանի է (տախտակ II, նկ. 5), ձևով նման Աղավնաձորի սնամեջ դաստակով դաշույնի տիպին: Դաստակը կենտրոնական մասում եղրից ունի երկու փոքրիկ ելուստներ, ներքևում՝ միջանցիկ անցք. զարդարված է հասկաձև, հյուսածո նախշով և նման է Արթիկից հայտնաբերված թղի կոթին²⁶: Դաստակի եղանակ հիմքն արտահայտված է ավելի ցայտուն, քան Աղավնաձորի դաշույնները և սեղմ լրկում է շեղրի ուսերը: Նմանատիպ դաստակներ ունեն Կորանից հայտնաբերված դաշույնները²⁷, որոնցից մեկի դաստակը վերնամասում լայնանում է, կաղմվելով յուրօրինակ գլխիկ: Վերնամասում լայնացող դաստակով, բայց սուսնց շեղրի եղանակ բռնիչի դաշույններ են Բուրանհամոնի մոմիայի վրայի դաշույնները, որոնք հավանաբար բերված են Միտանիից²⁸: Նմանատիպ կառուցվածք ունի նաև Բուրքիայում գտնվող Չանակ-Փինարից (Քույրեհի)²⁹ հայտնաբերված մ. թ. ա. II հազարամյակով թվագրվող դաշույնի դաստակը²⁹:

Ձորաղբյուրի նշված դաշույնի շեղրը զարդարված է զապաթներով իրար միացված և ոսկեկլեկներով և նման է Արթիկի դամբարանադաշտի երկրորդ խմբի № 386 դամբարանի դաշույնի շեղրին³⁰: Այս հավաքածուի մյուս դաշույնն ունի ցանցիկ ն դաստակ, որի վերնամասը թևերի է (տախտակ II, նկ. 4), իսկ ստորին մասն ունի միաձույն, եռանկյունաձև կտրվածքներով զարդարված գոտեկապ, որտեղ միացված է այսպես կոչված Սևան-դարաբադյան տիպի դաշույնի շեղրի լեզվակը: Նմանատիպ են լճաշենից և ավելի ուշ Ալավերդուց հայտնաբերված մ. թ. ա. XIV—XIII դդ. թվագրվող սրերի դաստակները: Այդ թվագրմանը չի խանգարում նաև շեղրի ձևը, որը հանգես է դալիս Անդրկովկասում, սկսած մ. թ. ա. XII դ. Հնատաքթիքի է երկու դաշույնների շեղրերի ամրացման միանման եղանակը. երկուսն էլ ղոգված են, իսկ մեկը՝ լրացուցիչ ամրացված գամով:

Նկարագրվող երկու կոմպլեքսների նմանությունը հաստատում են նաև ճարմանդները, որոնցից մեկը ձևով նման է աղավնաձորյանին, իսկ մյուսն ավելի տափակ է: Երկուսն էլ լցված են ցմաննտանման զանգվածով:

Հայտնաբերված խեցեղենի նյութը (լայնաբերան սափոր, երեք կնուճ և քրեղան) չենք նկարագրում, քանի որ նմանատիպ անոթներ քաջ հայտնի են Արթիկի դամբարանադաշտից և ուշ բրոնզեդարյան այլ հուշարձաններից:

Այսպիսով, նկարագրվող դաշույնները իրենց ղուգահեռներն ունեն Առաջավոր Ասիայի նյութական մշակույթում և նմանվելով կորանյանին, դաշույնների նոր խումբ են կազմում էլ տեղի վարպետների արտագրույնը են: Ուշագրավ է, որ նկարագրվող երկու կոմպլեքսներում էլ կտրացող կամ հատված ու սուր ծայրերով դաշույններ հանդիպում են միասին: Սա ակնհայտաբար խոսում է այս զենքերի որոշակի կիրառության մասին: Հավանորեն դրանք օգտագործվել են ծխական արարողությունների ժամանակ:

²² С. Г. Деведжян, Лорн-берд, I, Ереван, 1981, табл. III.

²³ К. Х. Кушнарева, *нշվ. աշխ.*, նկ. 21.

²⁴ К. Н. Пнихелаури, Восточная Грузия в конце бронзового века, Тбилиси, 1979, табл. III.

²⁵ «Тбилиси», I, Тбилиси, 1978, рис. 19.

²⁶ Т. С. Хачатрян, Древняя культура Ширака, рис. 128.

²⁷ П. С. Уварова, Могилишки Северного Кавказа («Материалы по археологии Кавказа», вып. VIII, М., 1900, с. 25—26, табл. VIII, 3—4).

²⁸ Б. Б. Пиотровский, Н. В. Ланда, И. А. Ланне, Сокровища гробницы Тутанхамона, каталог выставки, М., 1973, илл. 25.

²⁹ «Anadolu Medeniyetleri», Istanbul, 1983, p. 208, A. 544.

³⁰ Т. С. Хачатрян, Армянский некрополь, Ереван, 1979, с. 278, п. № 386.

НОВЫЕ МАТЕРИАЛЫ ИЗ АГАВНАДЗОРА И ДЗОРАХПЮРА

ЛЕОНИД БИЯГОВ

Р е з ю м е

В обнаруженном в с. Агавнадзор комплексе вонна были найдены следы кожного пояса, на который нашито было 14 мелких и одна крупная бронзовые бляшки. Вооружение его представлено бронзовой булавой, небольшим обсидиановым наконечником копья и двумя кинжалами, первый из которых севано-карабахского типа, а второй, имеющий круглую в сечении рукоять, встречается в Армении впервые и находит аналогии в Митани, центральной Анатолии и на Северном Кавказе. Остальные предметы представлены панцирным диском, шилом и многочисленной керамикой различных форм. Погребение датируется XII—XI вв. до н. э.

Коллекция из Дзорахшора была найдена случайно. Она представлена несколькими керамическими сосудами, крупными бронзовыми бляшками и двумя кинжалами, один из которых имеет ажурную рукоять, а второй по строению ручки напоминает агавнадзорский, а клинка—кинжал из погр. № 386 артекского некрополя и является как-бы связующим. Это погребение также датируется XII—XI вв. до н. э.